



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

II. De custodiendo ieunio quatuor temporum.

urn:nbn:de:hbz:466:1-15625

P R A E F A T I O.

ANNO
CHRISTI
1044.

IN Dei nomine, ego^b Aribō Moguntinæ sedis archiepiscopus, quamuis indignus, cum ceteris confratribus nostris & coepiscopis, Burchardo Vvormatiensi, Vverhenario Argentino, Brunone Augustensi, Eberhardo Bambergensi, Meginhardo Vvirzburgensi, Synodum in Sallegunstat condiximus, anno dominicæ incarnationis ^cM XXII. indictione v. II. Idus Augusti, anno autem domini Henrici secundi regnantis xxi. imperii vero vi. quatenus cum communi fratrum prædictorum consilio atque consultu multimoda diuinorum officiorum atque synodalium legum componeretur dissensio, & disparilatas nostrarum singularum confuetudinum honesta consensione redigeretur in vnum. Ideoque propter illas lamentabiles dissensiones communi decreto Concilii hæc capitula sancta sunt.

C A P I T V L A.

I.

Vt quatuordecim dies omnes Christiani ante festiuitatem sancti Ioannis Baptistæ in abstinentia sint carnis & sanguinis, nisi infirmitate impediente, aut alicuius festi solennitate, quæ in illo episcopio celebris habetur, intercedente. Et ante nativitatem Domini similiter, & in vigilia epiphaniæ, & in omnium vigiliis apostolorum, & in vigilia assumptionis sanctæ Mariæ, & in vigilia sancti Laurentii, nec non etiam in vigilia omnium sanctorum: adiicientes prædictis vigiliis vnam horam refectionis, excepta infirmitate, nisi aliquis sit qui proprio voto maiori abstinentia vti velit.

II.

De incerto autem ieunio quatuor temporum hanc certitudinem statuimus, vt si Kalendæ Martii in

**ANNO
CHRISTI
1022.** in quarta feria siue antea euenerint, eadem hebdomada iejunium celebretur. Si autem Kalenda Martii in quintam feriam aut sextam aut sabbatum distenduntur, in sequentem hebdomadam iejunium differatur. Simili quoque modo si Kalendæ Iunii in quartam feriam aut antea euenerint, in subsequente hebdomada iejunium celebretur. Et si in quintam feriam aut sextam aut sabbatum contigerit, iejunium in tertiam hebdomadam reseruetur. Et hoc sciendum est, quod si quando iejunium mensis Iunii in vigilia pentecostes secundum prædictam regulam euenerit, non ibi celebrandum erit, sed in ipsa hebdomada solenni pentecostes: & tunc propter solennitatem Spiritus sancti diacones dalmaticis induantur, & Alleluia cantetur, & Flectamus genua non dicatur. Eodem modo de Septembris ieunio constitutum est, vt si Kalendæ Septembris in quarta feria euenerint, aut antea, iejunium in tertia hebdomada celebretur: & si in quinta aut sexta aut sabbato contigerit, in quarta hebdomada iejunandum erit. In Decembri illud obseruandum erit, vt proximo sabbato ante vigiliam natalis Domini celebretur iejunium: quia si vigilia in sabbato euenerit, simul vigiliam & iejunium celebrare non conuenit.

III.

De legitimis autem coniugiis ita visum est, quod nullus Christianus vxorem ducere debeat ab adventu Domini usque in octauas epiphaniæ, & a septuagesima usque in octauas paschæ, nec in supra notatis 14. diebus ante festiuitatem sancti Ioannis

Concil. Tom. 25.

Oo